

摘藻堂四庫全書薈要

史部

欽定四庫全書薈要卷八千三百四十七

欽定大清通禮卷十七

嘉禮

古者朝覲本列賓禮唐開元禮仍用其式然令節稱賀著於史者實自漢始與十七篇覲禮自異考之周禮慶賀繫之嘉禮斯為近之我

國家嘉慶駢臻典制裔皇儀文備焉謹與耕桑學校貢舉昏姻諸典禮之切於前民者詳著於篇

皇帝三大節朝賀之禮先期諸王大學士率京朝官直
省文武率闔屬官具賀表豫送禮部其式曰具官
臣某等誠懽誠忭稽首頓首

上

賀伏以

表聯隨
時撰擬
恭惟

皇帝陛下

隨時臣
撰擬
等恭遇

熙朝欣逢

聖誕

元旦長至

伏願

隨時撰擬

臣

等無任瞻

天仰

聖懽忭之至謹奉

表稱

賀以

聞禮部屆期具疏請

皇帝御太和殿受賀

制報曰可

右表賀儀式

至日五鼓鑾儀衛率官校入陳

法駕鹵簿九龍曲柄黃華蓋一在

太和殿檻外正中執者武備院卿一人朝服北面拂

二立夏陳列
處暑收

金鑪二金合二金盥盤一金盃一金

餅二金方几一金交倚一夾丹陛左右旗尉二十

有二人掌之雲麾使一人治儀正二人次儀刀二
十親軍四十人弓矢二十親軍四十人豹尾槍二
十護軍四十人相間為十班次又四親軍八人戟
四親軍八人雲麾使一人治儀正二人整儀尉四
人立丹陛上皆東西面次翠華蓋二紫芝蓋二九
龍曲柄黃蓋四民尉四十有八人掌之夾兩階祀
自階以下丹墀東西五色四季花繖十間以五色
九龍繖十赤素紫素方繖各四民尉六十人掌之

鑾儀使一人雲麾使一人治儀正二人整儀尉二
人次壽字黃扇八雙龍單龍黃團扇各八雙龍單
龍赤團扇各八孔雀扇八雉尾扇八鸞鳳赤方扇
八民尉百二十有八人掌之雲麾使一人治儀正
二人整儀尉二人次壽幢四紫幢四霓幢四羽葆
幢四民尉三十有二人掌之信幡四降引幡四豹
尾幡四龍頭幡四民尉三十有二人掌之教孝表
節明刑弼教行慶施惠褒功懷遠旌各二振武敷

文納言進善旌各二金節四儀鎗麾四黃麾四民
尉五十有六人掌之雲麾使二人治儀正二人整
儀尉二人次驍騎燾二十有四羽林大燾八前鋒
大燾八五色銷金龍燾二十民尉百二十人掌之
儀鳳翔鸞雲鶴孔雀黃鵠白雉赤烏華蟲振鷺鳴
鳶遊麟彩獅白澤角端赤熊黃羆辟邪犀牛天馬
天鹿為旗二十民尉四十人掌之五嶽旗五四瀆
旗四民尉十有八人掌之青龍白虎朱雀神武二

十八宿五星為旗三十有七民尉七十有四人掌
之甘雨旗四八風旗八雲雷旗各五日月旗各一
民尉四十有八人掌之門旗八金鼓旗二翠華旗
二民尉二十有四人掌之雲麾使一人治儀正二
人整儀尉二人次五色銷金小旗二十每色各四民尉
四十人掌之出警旗一八蹕旗一鉞六星六卧瓜
立瓜各六吾仗御仗引仗各六民尉六十有七人
掌之雲麾使一人整儀尉二人次靜鞭四在兩階

下民尉十有四人掌之治儀正一人仗馬十在靜
鞭之南護軍二十人冠軍使雲麾使二人皆東西
面

太和門外玉輦一在東金輦一在西民尉各三十有
二人奉輦雲麾使一人治儀正一人

午門外玉輦駕象一民尉四十有四人金輦駕象一
民尉四十有四人象輦駕馬八民尉三十有四人
在東木輦駕馬八民尉三十有二人革輦駕馬四

民尉三十有二人在西雲麾使一人治儀正二人
寶象在五輅之南其三在東其二在西民尉八十
人雲麾使一人治儀正二人直前鼓吹大樂摑鼓
二十有四金二仗鼓四拍版四橫篴十有二摑鼓
二十有四畫角二十有四金鉦四小號大號各八
署吏六十有八人民尉百六十有四人畫角前摑
鼓後間以紅鐙各二民尉六人冠軍使一人整儀
尉二人

天安門外東西朝象四民尉二十有八人雲麾使一人治儀正二人凡鹵簿親軍護軍旗尉民尉各服其服禁語譁者察不整備者樂部率和聲署陳中和韶樂於

太和殿檐前東植麾設祝西設啟金編鐘在東玉編磬在西皆十有六懸以虞業樹應鼓於鐘懸之右琴四瑟二笙八篴四簫四塤二箎二排簫二皆東西分比北向樂工北面搏拊設於南東西向樂工

東西面歌工在前位如之設丹陛大樂於

太和門檐下東大鼓一方響一雲璈二簫二笙管篳
各四拍版仗鼓各一樂工二十人西大鼓一方響
一樂工十人樂皆北向領樂丞史東西各二人及
樂工皆北面節以戲竹執者二人夾丹陛中階立
東西面有司設二案於

殿內東西楹南皆南北肆禮部儀制司官奉中外臣
工賀表載於亭鑾儀衛校自部舁行香亭前表亭

後鼓吹前導導迎樂作奏禧平之章

萬壽聖節辭曰神聖文武提挈六符綏以眉壽罄宜多
祐邁斗維呈瑞圖萬歲聲山應呼

元旦辭曰元正朝享臨御萬方閭闔通啓太平呈
象旅貢陳軒樂張徧海隅瞻帝光

冬至辭曰黃鐘應律玉琯迴陽書雲薦瑞迎日履
長共球集韶濩張奉金匱來萬方由東長安門至
午門外亭止儀制司官奉王以下在京文武官賀表

進

太和殿設東案上內閣官奉筆硯設西案上如式

右陳設

辨侍班官位前引內大臣立

御座前東西面後扈內大臣在

御座旁左右僉立豹尾班侍衛佩刀侍衛在

御座後左右翼立記注官立前楹西第三柱東面北上

內閣大學士學士翰林院侍讀學士侍講學士詹

事府詹事少詹事立東檐第三柱西面都察院左
都御史副都御史立西檐第三柱東面皆北上辨
執事官位樂部典樂一人立檐東植麾之次西面
和聲署領樂官六人分立東西樂懸之次東西面
宣表官一人立東檐侍班官之次鴻臚寺鳴贊二
人立東檐第一柱西面二人立西檐第一柱東面
鑾儀衛傳鳴鞭官立丹陛西階每重二人東面糾
儀御史二人立西檐第三柱東面御史四人禮部

司官四人立丹陛之南御史四人立丹墀之北皆
北上東西面又御史四人吏部禮部司官各四人
在丹墀之南東西僉立辨百官朝位丹陛上東西
各二班親王郡王貝勒為一班貝子入八分公為
二班按翼序列左翼立位西面北上拜位北面西
上右翼立位東面北上拜位北面東上丹墀內不
入八分宗室公以下暨公侯伯子男文武百官立
位在鹵簿外直丹陛東西隅東西各九班東西面

北上滿官按翼為序左翼在東漢官吏部戶部禮部宗人府通政司翰林院詹事府太常寺光祿寺鴻臚寺國子監吏科戶科禮科內閣中書舍人欽天監太醫院以次從左翼之南右翼在西漢官兵部刑部工部都察院大理寺鑾儀衛太僕寺中書科兵科刑科工科順天府京縣五城兵馬司三營以次從右翼之南皆正從同班依品為序拜位在鹵簿內直東西階東西列品級山自北而南各十

有八正從異班依品為序皆北面東班西上西班東上外國陪臣立位隨西班牙末拜位亦如之以其等為序

右序班位

質明王公暨文武一二品官從

皇帝朝於

皇太后宮三品以下官會

午門闕下均行禮畢

儀詳慈寧宮朝賀

鴻臚寺卿序定王

公班次鳴贊序定一二品官班次均由右翼門入
引王公至丹陛上引一二品官至丹墀東西鳴贊
序定三品以下官班次於

午門東由左掖門入

昭德門西由右掖門入

貞度門均引至丹墀司賓序班序定外國陪臣班次
引入西班百官後均依前位立糾儀官暨執事官
咸入就位欽天監官於

乾清門報時禮部尚書侍郎奏請

御殿後扈內大臣二人率豹尾班執槍侍衛十人佩刀
侍衛十人於

乾清門禮部尚書侍郎於門階下前引大臣十人於
太和殿後階下咸左右序立祇候

午門鳴鐘鼓

皇帝禮服乘輿出宮禮部尚書侍郎恭導後扈內大臣

從由

保和殿

御中和殿座鴻臚寺官引侍班導從各官至

殿前按班行三跪九叩禮

不贊

畢侍班官先趨出外朝

就位

皇帝駕興禮部尚書侍郎暨前引大臣恭導後扈如初

工舉麾鼓祝中和韶樂作

中和韶樂以舉麾鼓祝作以偃麾戛鼓止後同

萬壽聖節奏乾平之章辭曰祥雲扈紫冥四海臣民祝
聖齡淑氣轉階堯錄羲圖燦御屏嵩呼徧在廷

天呈瑞地効靈南極拱台星億萬載頌康寧

元旦奏元平之章辭曰維天眷我皇四海昇平泰
運昌歲首肇三陽萬國朝正拜帝閭雲物奏嘉祥
乘鸞輅建太常時和化日長重九譯盡梯航

冬至奏遂平之章辭曰陽回黍谷春萬國衣冠拜
紫宸旭日耀龍鱗雲物呈祥福祿臻堯階蓂莢新
熙庶績撫五辰九服共來賓調元化轉洪鈞

皇帝御太和殿陞座工偃麾戛敎樂止導從官各就位

鑾儀衛官進至中階之右三傳鳴鞭丹墀內三鳴

鞭戲竹交

丹陛樂作止皆以戲竹交為節

丹陛樂作奏慶平之章

辭曰鳳凰在藪麒麟在郊垆不如國士充陛廷野
無遺賢宗有英夙夜在公在公明明鴻臚寺分引
王公就拜位引文武百官由鹵簿南轉入拜位皆
東西按班北面序立贊進皆進贊跪皆跪樂暫止
贊宣表宣表官自東檐入

殿左門至東案前奉表至檐下正中北面跪大學士

二人左右跪展表宣表官宣畢仍奉表進復於案
退樂作贊叩興王公百官行三跪九叩禮興鴻臚
寺官按班引退皆復原位立樂止又贊進鴻臚寺
引外國陪臣就西拜位立丹陛樂作奏治平之章
辭曰我清世德作求若天行天盡所覆畀我清萬
方悅喜來享庭曰予一人業業兢兢
凡丹陛樂辭
三大節皆同
贊行三跪九叩禮畢引退復位立樂止
若數國並
朝先朝鮮

餘國以次
遞引行禮

皇帝既受賀

賜羣臣及外國陪臣坐王公由

殿左右門入位東西楹後大學士由

殿左門入位東楹王公後導從侍班各官入八分公

以下文武百官就原立位咸跪行一叩禮坐尚茶

進

皇帝茶王公百官就所坐位行一叩禮乃

賜王以下文三品武二品官以上暨外國陪臣茶受茶

及坐飲畢咸跪行一叩禮鑾儀衛官傳鳴鞭如初
衆皆興階下三鳴鞭

駕興中和韶樂作

萬壽聖節奏泰平之章辭曰皇躬福祿宜永紹鴻圖丕
丕基彤陛長仙芝樂奏箭韶丹鳳儀南山獻壽卮
人心悅天意隨為德徧羣黎歌樂愷萬年斯

元旦奏和平之章辭曰聖人延俊英鈞天樂奏繞
彤廷華夷一統寧士庶懽忻樂太平寶鼎御香盈

祥煙裊瑞靄生簫韶喜九成齊慶祝萬年齡

冬至奏允平之章辭曰皇心克配天玉琯葭灰得
氣先彤廷臚唱宣四海共球奏御筵珠斗應璣璿
金鏡朗麟鳳騫人間景福全咨屢省懋乾乾

皇帝還宮樂止鴻臚寺官分引王公百官以次退禮部
儀制司官奉

殿上表及

午門外亭內直省文武官表送內閣咸退

右羣臣朝賀

是日內監豫設中和韶樂於

乾清宮檐下設丹陛大樂於

乾清門內如儀

皇帝御太和殿受羣臣朝賀畢乘輿至

乾清宮檐前降輿中和韶樂作

樂章與外朝
同後仿此

皇帝陞座樂止

皇后率

皇貴妃

貴妃

妃

嬪
禮服詣

乾清宮

皇后就正中拜位立

皇貴妃

貴妃

妃

嬪稍後左右立均北面丹陛大樂作奏雖平之章辭
曰闕雎四教家邦作孚先黃裳元吉地承天六宮
仁順化穆宣麟之趾兮萬福之原行六肅三跪三
拜禮畢樂止各還後宮內監引

皇子升東西階就丹陛上東西拜位北面立東班西

上西班東上丹陛大樂作

樂章與外朝同

行三跪九叩禮

畢退立兩旁東西面中和韶樂作

皇帝降座樂止

皇子皆退

皇后千秋節率

妃

嬪行禮如前儀

右內朝賀

盛京三大節朝賀之禮是日五鼓內務府官詣

大政殿啓扉拂拭

御座禮部官恭設香案於

殿門外正中南向辨百官拜位於丹墀內將軍副都
統戶部禮部兵部刑部工部侍郎巡察科道內務
府及所屬官弁左翼在東右翼在西奉天府尹丞
治中通判京縣以下官從右翼班皆九等以品為
差東位西上西位東上均北面鳴贊二人分立班
行之北引班二人分立班行左右

皆贊禮
郎充

均東西

面漏未盡文武官朝服會

大清門外祇竢將辨色引班分引至

大政殿丹墀內鳴贊贊齊班引班引百官就拜位立
贊進少進贊跪叩興百官行三跪九叩禮興贊退
引班引由左右門出序退

右盛京朝賀儀

直省三大節朝賀之禮省會守土官豫於公所正
中設

萬壽龍亭南向設香案於亭之南其日五鼓有司設燎

於庭設鐙於門廡教授訓導二人糾儀學弟子員
二人通贊二人引班階下東西班位將軍總督一
班巡撫副都統提督學政二班總兵官協領叅領
織造郎中督關郎中布政使按察使各道三班佐
領督關員外郎知府副將叅將四班防禦督關主
事司庫同知通判遊擊都司五班驍騎校知州知
縣守備六班筆帖式庫使經歷州同州判縣丞千
總等官七班皆文東武西立位東西面北上拜位

北面東班西上西班東上重行異等糾儀官位班
行之北通贊引班位糾儀官之南皆東西面夜漏
未盡羣官朝服畢會公所質明引班引入至丹墀
內東西序立通贊贊齊班引班分引至拜位前立
贊進少進贊跪叩興羣官行三跪九叩禮畢引退
若府不附省州縣不附府者均以正貳教職各一
人糾儀學弟子員各二人通贊引班在城文武官
於公所按班行禮均如省會儀

右外官朝賀

皇太后三大節朝賀之禮先期內閣具

皇帝稱賀

皇太后表文其式曰

子皇帝臣御名誠懼誠忤稽首頓首

上言臣聞

表聯隨時撰擬欽惟

聖母恭書

徽號

皇太后陛下

隨時
撰擬
伏願

隨時
撰擬
臣曷任踴躍懼忤之至謹奉

表稱

賀以

聞

諸王大臣及內外臣工隨進表賀送禮部其式曰
具官臣某等誠懼誠忤稽首頓首

上言伏以

表聯隨
時撰擬 欽惟

皇太后陛下

恭書於上 歲號

隨時臣
撰擬 等幸際昌期欣逢

聖壽

元旦
長至 伏願

隨時臣
撰擬 等無任瞻

天仰

聖懽忭之至謹奉

表稱

賀以

聞禮部先期疏奏

皇帝承奉

皇太后懿旨下

制報可

右表賀儀式

是日昧爽內鑾儀衛入陳

皇太后儀駕鹵簿

慈寧門階下丹墀東西拂二

立夏陳列
處暑收

香鑪二合二盥

盤一盂一餅一倚一几一

長信門外正中九鳳黃曲蓋一階下東西節二赤素

方纈四五色四季花纈十五色九鳳纈十

每色
各二黃

赤二色龍鳳扇八雉羽扇八五色龍鳳旗十卧爪

立爪吾仗各四大儀輿一乘陳於正中儀輿一乘

黃輿一乘鳳輿一乘在東儀輿一乘黃輿一乘在

西凡擎執輿尉各服其服皆內鑾儀校充內務府

掌儀司官比其次察不整備者內監陳中和韶樂
於

慈寧宮檐下樂部和聲署陳丹陛大樂於

長慶門檐下所司豫設案於

慈寧東門外內閣學士自內閣奉

皇帝慶賀表文出內閣官前導大學士從由

熙和中門至

永康左門外導者止大學士接奉表文禮部尚書侍

郎接導入至

慈寧門升東階陳表案上退內監舉案宮殿監侍二人
前引由左門入恭設於

慈寧宮寶座東西向禮部儀制司官自部奉諸王大臣
内外文武官慶賀表文安龍亭內校尉舁行鼓吹
前導導迎樂作奏禧平之章

萬壽聖節辭曰昭受天貺鍾慶發祥文母禔祉福隆尊養

錫類蕃慈訓彰億萬年臨壽康

元旦長至進表樂
辭見前三大節儀

由東長安門至

午門外陳設如儀

右儀駕鹵簿樂懸陳設

是日武備院卿豫設

皇帝拜位於

慈寧門外正中北向辨羣臣朝位及執事官位親王以下八分公以上位中階下左右未入八分宗室公鎮國將軍輔國將軍公侯伯子男大學士內大

臣都統尚書副都統侍郎內閣學士前鋒統領護
軍統領步軍統領侍衛位

長信門外文武三品以下官位

午門外皆按翼北面序立糾儀御史二人位

慈寧門外御史二人禮部官屬二人位

長信門外御史二人禮部官屬二人位

午門外皆東西面北上執事鴻臚寺卿二人鳴贊二

人位

慈寧門檐下引進王公鳴贊二人二品以上鳴贊二人
三品以下鳴贊二人視所引為位又鳴贊二人立
午門外皆東西面又鳴贊一人立於

永康左門一人立於右翼門二人立於

熙和門內外二人立於

午門內外聞唱承傳百官行禮

右序班位

五鼓王公百官朝服畢會王公集

隆宗門外文武二品以上官集

長信門外三品以下官集

午門外均按翼祗候質明禮部尚書侍郎詣

乾清門奏時

皇帝禮服乘輿出宮導從翊衛如常儀禮部尚書侍郎
導

駕由

隆宗門出至

永康左門降輿入王以下入八分公以上隨入禮部
尚書侍郎恭導

皇帝陞

慈寧門東階於門左西向立後扈大臣從升侍立於後
前引十大臣於

長信門內左右序立領侍衛內大臣率豹尾班侍衛
夾東西階僉立鴻臚寺官引王公於階下引

長信門外大臣暨

午門外百官咸就位序立禮部尚書轉傳內監奏請
皇太后陞慈寧宮寶座

皇太后禮服出中和韶樂作奏豫平之章辭曰慈闈福履
昌瑞雲承輦獻嘉祥徽流寶冊光玉食懽心萃萬
方旭日正當陽綏眉壽樂且康瑤池萸葉芳如山
阜永無疆

樂辭三大節
同後仿此

陞座樂止禮部尚書侍郎恭導

皇帝就拜位北向鴻臚寺官引王公百官均就拜位北

面立丹陛大樂作奏益平之章辭曰皇家燕喜福

壽協慈徽千官拜舞萬國瞻依靄璇宮聖日輝

樂辭

三大

節同

皇帝率羣臣行三跪九拜禮承傳鳴贊官接傳

午門外各官均隨行禮畢樂止

皇帝復位立禮部尚書轉傳內監奏請

皇太后還宮中和韶樂作奏履平之章辭曰璿宮瑞靄霏

翬翟山河上袞衣寶籙慶璇闈萬國歡愉頌德徽

長日麗晴暉青鸞舞鳳在墀康強福祿宜億萬載

祝期頤

皇太后還宮樂止禮部尚書奏禮成恭導

皇帝出

永康左門乘輿還宮王公百官退禮部官於

午門外奉百官慶賀表文送內閣皆退

皇帝萬壽節率王公百官行禮同

恭遇

皇太后萬壽大慶

皇帝加上

皇太后徽號

詳見
尊崇禮儀

頒詔天下

御製慶賀表章至日所司設表案於

慈寧左門之東西向大學士奉表恭設於案退竝於東

檐宣表官一人少後立又大學士一人恭竝於西

檐

皇太后御慈寧宮中和韶樂作

陞座樂止禮部尚書侍郎恭導

皇帝就拜位北向立鳴贊奏跪

皇帝跪羣臣咸跪丹陛大樂作鳴贊贊宣表宣表官詣

案奉表至正中北面跪大學士二人同進左右跪

展表樂暫止宣表官宣讀訖興奉表復還於案暨

大學士咸退樂作鳴贊奏拜興

皇帝率羣臣行三跪九拜禮禮成

皇帝還宮禮部尚書以表交內監恭奉入宮餘如前儀
右

皇帝朝賀

是日侍衛命婦豫設

皇后拜位於

慈寧宮檐前正中北向設

皇貴妃

貴妃

妃

嬪拜位於左右稍後序公主福晉以下二品命婦以上拜位於丹陛上按左右翼依次分列均北面設引禮命婦二人贊相禮儀又設命婦八人前引自公主逮命婦凡與朝賀及執事者咸朝服自

永康右門入進

慈寧門於東西丹墀序立內監移丹陛樂於慈寧門檐下北向禮部尚書轉傳內監奏請

皇后詣

皇太后宮行禮

皇后率

皇貴妃

貴妃

妃

嬪具禮服陞輿以次出

啓祥門前引命婦恭導至

徽音左門外降輿入

皇后陞丹陛至檐前東向立

皇貴妃

貴妃

妃

嬪東西面序立公主福晉暨命婦依次東西面序立
皆北上引禮命婦轉傳內監奏請

皇太后陞慈寧宮寶座

皇太后禮服出中和韶樂作奏豫平之章

樂辭見前
後仿此

陞座樂止引禮命婦引

皇后

皇貴妃

貴妃

妃

嬪就拜位公主福晉命婦均就拜位北面立引禮命

婦奏請行禮丹陛大樂作奏益平之章

樂辭
見前

皇后率

皇貴妃

貴妃

妃

嬪行六肅三跪三拜禮公主福晉命婦均隨行禮畢
樂止復位引禮命婦轉傳內監奏請

皇太后還宮中和韶樂作奏履平之章

皇太后還宮樂止引禮命婦奏禮畢引

皇后

皇貴妃

貴妃

妃

嬪仍由西門出前引命婦引至

徽音左門外乘輿還宮各退

皇子詣

皇太后前行禮如儀

皇后千秋節率

皇貴妃

貴妃

妃

嬪公主福晉命婦行禮均如前儀

右

皇后朝賀

盛京直省文武官恭遇

皇太后萬壽聖節率所屬集公所行禮與

皇帝萬壽節儀同

右外官慶賀

皇后三大節朝賀之禮先期諸王公及内外文武臣工
具賀箋送禮部其式曰具官臣某等誠懼誠忤稽
首頓首

上言伏以

箋聯隨時撰擬敬惟

皇后殿下

隨時撰擬

臣等幸際昌期恭逢

令節

元旦長至

伏願

隨時撰擬

臣等無任瞻

天仰

聖懽忭之至謹奉

箋稱

賀以

聞

右箋賀儀式

是日昧爽內監陳

皇后儀駕

詳祭先蠶儀

九鳳黃曲蓋陳於

宮檐下正中拂香鑪合盥盤盂餅几倚節繖扇旗瓜
仗陳於階下東西大儀輿儀輿黃輿鳳輿陳於

宮門外中和韶樂設於

宮檐前丹陛大樂設於

宮門內禮部儀制司官自部奉臣工慶賀箋文安龍
亭內校尉舁行鼓吹前導導迎樂作奏禧平之章

千秋令節辭曰坤德柔靜陰教順承螽斯麟角允惟嘉

應寶冊鐫天慶膺永嗣徽如月恒

元旦長至箋文與表文同進樂

辭見前由東長安門至

午門外陳設恭送內閣如儀

右儀駕樂懸陳設

質明內監設

皇貴妃

貴妃

妃

嬪拜位於月臺左右北面設公主福晉以下二品命婦以上拜位於丹陛上按翼分東西班北面序立設引禮命婦二人贊相禮儀自公主福晉暨命婦與賀者依時刻朝服祇候

皇后既率

妃

嬪詣

皇太后

皇帝前行禮

儀見前

畢引禮命婦引

皇貴妃

貴妃

妃

嬪內監引公主福晉暨命婦赴

皇后宮門內各依次立東西面引禮命婦轉傳內監奏
請

皇后御內殿

皇后禮服出中和韶樂作奏淑平之章辭曰承天地道
光嗣徽音兮儷我皇椒宮壺教彰萬國為儀燕翼
昌彤管紀芬芳春雲渥環珮鏘安貞德有常敷內

政應無疆

樂辭三大節
同後仿此

陞座樂止引禮命婦引

皇貴妃

貴妃

妃

嬪就拜位公主福晉命婦俱就拜位行六肅三跪三
拜禮丹陛樂作奏正平之章辭曰正坤維兮儷皇
極母儀昭萬國福履永綏將六宮承法則

樂辭三
大節同

禮畢復原位立樂止引禮命婦轉傳內監奏請

皇后還宮中和韶樂作奏順平之章辭曰瑤樞煥上台

椒殿風和麗景開晴旭上蓬萊佳氣氤氲徧九垓
祥雲護燕謀培麟趾毓蘭茝雉扇影徘徊看瑞靄

集宮槐

皇后還宮樂止

妃


嬪退公主以下皆出

皇子詣

皇后宮行禮如儀

右中宮朝賀

欽定大清通禮卷十七



總校官庶吉士 臣 張龍照

校對官庶吉士 臣 翟槐

謄錄監生 臣 李華文

欽定四庫全書薈要

史部

欽定大清通禮卷

十八至
二十二

詳校官編修臣繆晉



欽定四庫全書薈要卷八千三百四十八

欽定大清通禮卷十八

嘉禮

御門聽政之禮常日部院章奏未奉

聖旨者折本下內閣積若干件得

旨

御門聽政內閣宣布在京部院寺各部院寺官檢所應
進奏事於函飭陪奏官屬吏部轉飭侍班官具吉

服

朔日逢五逢十日公服

依期畢會

右戒辦

至日所司設

御榻於

乾清門正中榻前設章奏案一辦百官班位

乾清門侍衛在

御榻左右翼立領侍衛內大臣內大臣散秩大臣及豹

尾班執槍侍衛佩刀侍衛在丹陛下左右立東西

面記注官在西柱下立侍班翰林科道官在西階下立皆東面大學士啓奏折本在

御榻之左內閣學士在其後少南為部院官奏事位尚書左都御史在前侍郎副都御史大理寺卿少卿次之陪奏官又次之皆西面以戶部禮部兵部工部分日首對三法司直第三班吏部直第六班

右班位

漏未盡部院寺奏事官暨侍班官畢集朝房進至

中左門祇候春冬辰正初刻夏秋辰初初刻進至
後左門祇候侍衛轉奏得

旨百官以次進至

乾清門丹墀東西面魚貫序立記注官翰林科道官
於西階西東面序立

皇帝御輿至門啓扉降輿出闔扉

陞座翊衛如儀記注官升西階至西柱下就位立部院
奏事官由東階升一人奉疏折旋而西餘入就位

西面跪奉疏者至正中北面詣奏案前跪恭設於案興少退趨至東楹轉入班跪奏某事畢興少退循東階左降其次各班依序升東階右進奏如前儀至吏部奏事引

見侍班官畢退內閣侍讀學士二人升東階詣奏案前北面跪舉本入奏函興退翰林科道及侍衛皆退右進奏

百官既畢奏滿內閣學士一人奉折本函升東階

卷之八
折旋而西大學士內閣學士從升依次就位跪記
注官進至

御榻之右仍東面立奉函學士至正中北面詣奏案前
跪恭設於案啓函取折本依序啓奏

皇帝降旨大學士學士承

旨訖興由東階降記注官由西階降

皇帝還宮各退

右啓奏折本

恭遇

行幸駐蹕

御門聽政奏事及啓奏折本皆如前儀

右行在啓奏折本

常朝之禮每月五日常朝之期

皇帝有旨陞殿謝恩各官具銜名送鴻臚寺列疏交送
內閣至日五鼓所司豫設案一於

太和殿內之西陳筆硯樂部和聲署入展中和韶樂

於

殿檐前展丹陛樂於

太和門檐下鑾儀衛率官校入陳

法駕鹵簿鳴鞭仗馬步輦五輅馴象鼓吹常朝象依次
如式侍班執事官王公文武百官班位如朝賀儀
右陳設序位

漏未盡王公文武百官朝服外國陪臣以時至者
服本國服畢會

闕下質明侍班執事官入就位鴻臚寺官按翼序定
王公班次由

午門左右門

太和門左右門引入序定文武百官班次由

午門左右掖門

昭德門

貞度門引入又序定外國陪臣班次引隨西班牙官
後入咸就位立鴻臚寺奏請

御殿

午門鳴鐘鼓

皇帝禮服乘輿出宮導從翊衛如朝賀之儀至

太和殿北階降輿人工舉麾鼓祝中和韶樂作奏隆
平之章孟春辭曰敷天協氣鮮新又蒼龍正晨萬
國歡心仰紫宸皇天錫嘏懿純陳充庭華瑤金根
扇春風風兆人澤如春睿周萬品化洽無垠

仲春辭曰所無逸恭己巖廊萬寓協嘉祥吹律圖

鐘諧舜瑄負宸當陽柳風初轉芽黃翠甸輕雷蘇
百昌發生心皇奉若寬大詔播天常

季春辭曰日麗風和徧寰區新榆改火龍旗荏苒
晃鸞坡赫如曦皇陞座羣辟集瑤珂拂花茵垂佩
多天門蕩蕩無偏頗純嘏詠卷阿

孟夏辭曰玉宸旦婺中天王御法宮乘朱輅曳長
虹六六冷簫諧女鳳萬物被薰風阜財解愠福祿
來同

仲夏辭曰禁林清反舌無聲登進忠良佞不行南
風假大而宣平坐明堂賞五德法乘離以持衡

季夏辭曰鼓含少黃宮諧鳳伏庚光赤帝騎龍嘒
彼三星正昏中茂對乘時穆聖衷陳金奏宣景風
明光覲辟公

孟秋辭曰金井桐飄大火流夷則聲清律應秋天
行轉蓐收黃茂滿田疇曉光閭闔浮搏拊戛鳴球
玉殿千官咸拜手仰宸旒

仲秋辭曰乾坤爽氣澄序宮殿清光靜安設九賓
而法見叶九和於天端晡靄揚雲罕玲瓏動玉鑾
列徽猷兮萬世肅纓冕兮千官

季秋辭曰鴻依銀渚菊有黃華隴雲飛木葉下百
穀登場罷芳辰逢令嘉黃麾列正衙豹竿移龍鱗
射日上朱霞天錫吾皇多稼

孟冬辭曰時合黃純熙修司職頡皇執坎持權聽
彤廷珮響玉琯風宣懷黃綰白趨丹陛皇儀展於

穆同天光華聖日罍愚煥彩暄到齊編

仲冬辭曰七日陽來天地仁萬象一中分人從心
上起經綸綱紀三才屬大君答陽臨玉宸無私學
化鈞包元履德日勞勤品類盛荷陶甄

季冬辭曰斗柄將東四序周佳氣滿皇州嘉平吉
日諏翠輅充廷立九筭吾皇御大裘法坐侍王侯
服舊德布新猷穆若天儀福祿道

皇帝御太和殿陞座工偃麾戛鼓樂止

中和韶樂以舉
麾鼓柷作偃麾

夏啟止
後同

鑾儀衛官贊鳴鞭丹墀內三鳴鞭戲竹交

丹陛樂作止皆
以戲竹交為節

丹陛樂作奏慶平之章

樂辭同
三大節鴻

臚寺官引謝

恩官出班

其餘百官仍
按本班立

序立贊進皆進贊跪皆跪贊叩

興王公百官行三跪九叩禮興贊退各復原位立

樂止又贊進鴻臚寺官引外國陪臣進就西班拜

位立丹陛樂作奏治平之章

樂辭同
三大節

贊行三跪九

叩禮畢鴻臚寺引退復位立樂止乃

賜茶

儀詳三大節

畢丹墀內三鳴鞭中和韶樂作奏顯平之

章孟春辭曰淵然至道遊神協天行地文照寓騰
華若早輪清明廣大和閭恩滂洋葭葦沾仁念民
生生此辰酌於民瑞惟大有寶則賢臣

仲春辭曰肅羣后鳴珮鏘鏘拜手仰顙印初日瞳
矐奎壁麗明庶風翔普天和氣休穰浹化鷹成鳩
眼良躬清明基宥密恩溥洽達要荒

季春辭曰瑞靄祥飈映彤墀紅雲繚繞一人淵默

德光昭百花中千門曉銅鶴篆煙飄奏仙音駕退
朝促耕布穀飛靈沼盈耳說農勞

孟夏辭曰麥秋滿野登桑濃繭已成玉衡正泰階
平上下交孚寰海靖婦子樂盈寧罄天亘地茂豫
桐生

仲夏辭曰槿初榮專與朱明天稷星邊漢影萌紅
輪照九神嘉生念農芸夏暑雨穆皇心以靡寧

季夏辭曰彌六合黎元祝頌奉三無帝念淵冲蓊

鬱元雲滄宸楓大雨時行黍稷芄虞琴奏皇在宮
勤思劇月農

孟秋辭曰鷹祭蟬鳴屆白藏御廩初登穀始嘗秋
回禁陞涼皇居奠總章恩膏正溥將零露浥瀼瀼
六合顥顥齊所叩挈珠囊

仲秋辭曰雲高漢迴參見露白飈清蛭寒沆告成
夫萬寶祗祝釐於三壇瑞穀岐而秀玉粢好且完
喜盈寧兮百室納嘉慶兮天歡

季秋辭曰鞭鳴鐘動簾捲煙斜漾金風香衣駕天
展言還暇黃雲香滿車村村晝響處深宮心區
夏重恤民家黼宸幽風圖畫

孟冬辭曰寰海豐穰農夫之慶深宮理化揮絃念
艱難稼穡不敢游畋琳琅萬卷環天祿三餘愛清
晏探研時幾勅命明良喜起所寶惟賢

仲冬辭曰順氣祥風翔九垓太史正書雲沈幾先
物福生人淵默雷聲秉道真八風以序均天根月

窟循昭乎若日正三辰不遠復以修身

季冬辭曰太室黃雲紫氣蒙時雪報年豐天闕橐
籥充臘鼓催春大地通皇家寶緒隆契合動昭融
月西朏日生東萬載回環不息同

皇帝還宮樂止鴻臚寺分引王公百官依次出退

右朝儀

常朝日坐班之禮先期八旗部院寺具朝官名冊
送六科至日黎明王公百官朝服畢會

闕下鴻臚寺官序定王公班位於

太和門外東西各二班按翼分列親王郡王貝勒一

班貝子八八分公一班皆東西面北上

巡幸日王聖駕

公常朝位

午門外左右

序百官班位於

午門外朝房前東西各九班東班鑲黃正白鑲白正

藍四旗吏部戶部禮部宗人府通政司翰林院詹

事府太常寺光祿寺鴻臚寺國子監吏科戶科禮

科內閣中書欽天監太醫院以次在左翼四旗之

南西班牙正黃正紅鑲紅鑲藍四旗兵部刑部工部
都察院大理寺鑾儀衛太僕寺中書科兵科刑科
工科順天府京縣五城兵馬司三營以次在右翼
四旗之南公侯伯以下世爵暨文武品官各依序
為位詳見三大節皆東西面重行北上糾儀御史二人
吏部禮部司官各二人分位東西班首糾儀御史
二人吏部禮部司官各二人分位東西班末均東
西面北上

右班位

列坐之節春冬以辰正夏秋以卯正屆時門校禁
斷行人糾儀官就位左翼諸王率羣公入

午門左門右翼諸王率羣公入

午門右門就位未入八分公以下文武百官各以次
就位坐吏部禮部官屬受銜名糾儀官起繞班行
視不如儀者糾之上下一匝還復位坐少頃王率
羣公出百官皆退

右坐班

皇帝時巡盛京

特行慶典

陞殿受賀之禮豫日羣臣具賀表送

盛京禮部屆日鴻臚寺設詔案表案各一於

崇政殿內東旁又設案一於丹陛正中鑾儀衛陳
法駕鹵簿於

崇政殿外樂部陳中和韶樂於殿階下陳丹陛大樂

於丹墀南工部官設臺於

大政殿外鴻臚寺官設案於臺上禮部官陳表於龍
亭校尉自部舁行作樂前導至

大清門亭止奉表進

崇政殿恭設於表案內閣官奉詔書陳於詔案如式
黎明內外王公百官朝服朝鮮國陪臣服本國服
畢集

皇帝率王公朝於

皇太后行宮百官會於

大清門外均隨行禮畢鴻臚寺官序王公暨二品以上官班次於

崇政殿前丹墀左右序三品以下百官班次於

大清門外左右外藩王公台吉等朝鮮國陪臣各為一班附於班末耆老領催等於

大政殿外東西禮部尚書侍郎奏請

御殿

皇帝禮服乘輿出宮

御崇政殿作樂鳴鞭羣臣表賀行禮均如三大節朝賀

儀是日

頒詔布告天下

詳頒詔儀

陞殿樂奏元平之章辭曰維天眷我清一統車書四海
寧法駕泣陪京祠謁珠丘展孝誠陟降舊宮庭思
祖德答天明佳氣繞龍旂瞰聖日海東升

羣臣行禮樂奏慶平之章辭曰重熙累洽絃瀛被

仁風穆如神孫臨鎬豐橋山禮成御故宮零露灑
灑有來雍雍

外藩行禮樂奏治平之章辭曰萬方合敬同愛所
親尊思木有本水有源東西朔南咸駿奔純固恪
恭日子雲孫

還宮樂奏和平之章辭曰文思洽九瀛神孫繼治存昇
平皇初七德成締造艱難景命膺撫序惕中情凝
旒竚若奉盈昭茲萬億齡列祖武敬其繩

右盛京朝賀

盛京常朝之禮月朔及逢五日

盛京文武官於

大政殿八旗朝堂前坐班其日黎明百官朝服會朝
堂辨定班位鑲黃正白鑲白正藍四旗在東正黃
正紅鑲紅鑲藍四旗在西奉天府堂屬官在鑲藍
之南其班將軍一班副都統五部侍郎一班巡察
御史奉天府尹府丞一班協領城守尉一班五部

郎中佐領治中五部員外郎五品世職一班五部
主事通判京縣知縣防禦一班七品筆帖式七品
世職司庫經歷驍騎校一班八品筆帖式教授一
班九品筆帖式司獄一班東位西面西位東面皆
北上春冬辰正夏秋卯正就各朝堂前按班列坐
禮部贊禮郎左右各一人自班首繞行受銜名畢
少頃各退

右盛京坐班

欽定大清通禮卷十八

欽定四庫全書薈要卷八千三百四十九

欽定大清通禮卷十九

嘉禮

皇帝登極之禮既訖吉諸司下所屬供備王公大學士
率文武百官前期進表內閣先一日遣官各一人
祇告

地 天

太廟

社稷各朝服將事如常儀禮畢出易服退

右祇告

是日五鼓步軍統領勒所部屯禁城諸門所司入

太和殿鋪陳

御座南正中設一案東西肆前楹之東設二案西設一案皆南北肆又中設一案於丹陛上設黃繖雲盤於丹墀鑾儀衛率官校入備鑾輿陳

法駕鹵簿樂部率和聲署入展樂如儀

詳見三
大節

夜漏未

盡禮部尚書奉表入陳東楹南案內閣中書奉筆
硯入陳西案內閣學士一人奉

詔書入陳東楹北案大學士率學士詣

乾清門請

皇帝之寶學士恭奉大學士從入

殿內恭設於中案退記注侍班執事各官王公百官

班位如常儀

詳見三
大節

右陳設序位

質明王公文武百官畢會

午門闕下朝服序入均如常儀

皇帝詣

几筵前行祇告受

命禮出更禮服詣

皇太后宮

皇太后禮服陞座

皇帝行禮畢禮部尚書侍郎二人率欽天監候時官奏
時

午門鳴鐘鼓

皇帝由

乾清門左門出乘輿禮部尚書侍郎恭導內大臣十
人前引二人後扈豹尾班執槍侍衛十人佩刀侍
衛十人翊衛隨行由

保和殿

御中和殿座鴻臚寺官引侍班導從各官按班行禮

儀見

三大節

畢侍班官先趨出外朝就位禮部尚書進至

檐前奏請即

皇帝位

駕興導引翊衛如初

御太和殿陞

寶座南面即

皇帝位鑾儀衛官三傳鳴鞭丹墀內三鳴鞭鴻臚寺卿

引王公於丹陛上鳴贊引文武百官於丹墀內就
拜位北面立贊進皆進贊跪皆跪贊叩興王以下
文武百官行三跪九叩禮興鴻臚寺官引退復位
立大學士進

殿左門就東案奉

詔陳於中案少退西面立內閣學士進就中案北面用
寶訖退禮部尚書進至檐下大學士奉

詔由闌東出

殿中門授禮部尚書禮部尚書跪受興奉至丹陛案
前北面恭設於案行一跪三叩禮興復奉降中階
至丹墀陳於雲盤禮部儀制司官一人跪受興十
人前導由中道出

頒布天下

詳

頒詔儀

皇帝降座至

殿後階乘輿入

後左門至

乾清門左門外降輿入還側殿易服大學士率學士
奉

皇帝之寶送

乾清門各退是日表陳而不宣宮懸大樂皆設而不
作餘儀與三大節同

右百官朝見

欽定大清通禮卷十九

欽定四庫全書薈要卷八千三百五十

欽定大清通禮卷二十

嘉禮

恭上

皇太后

尊號

徽號之禮

制下禮部尚書一人赴內閣承

制諏吉以

聞乃徧布諸司供備豫期禮部工部官會製

冊寶於內務府既辦擇良辰恭鐫

冊文

寶文是日所司豫設案於內閣政事堂中設冊寶亭二香

亭一於製造所門外內閣大學士學士禮部工部

尚書侍郎咸朝服集政事堂祇俟至吉時工部司

官奉

冊禮部司官奉

寶設亭內鑾儀校舁行香亭在前次冊亭次寶亭前列御
仗二華蓋一禮部官屬先導至內閣門外亭止有
司奉

冊

寶恭設於案

冊東

寶西退閣部大臣均行三跪九叩禮大學士一人奉

冊一人奉

寶以授匠人鐫字於潔室

右諏日具冊寶

屆期前一日遣官各一人祇告

天

地

太廟後殿

奉先殿

社稷如常儀

右祇告

是日內閣具奏書

書詞隨時撰擬

盛於函黎明鑒儀衛豫

陳

皇太后儀駕鹵簿於

慈寧門外至

長信門外內監陳中和韶樂於

慈寧宮檐下陳丹陛大樂於

長慶門內

鹵簿樂懸詳見三大節

禮部鴻臚寺官豫設案一於

慈寧門外又設案一於

中和殿內均正中南向武備院卿豫設

皇帝拜位於

慈寧門案南北向大學士一人朝服奉奏書函中書舍

人前導至

中和殿階下導者止大學士以奏函入

中和殿陳於案外其緘展書加函上退竝於東檐禮

部尚書侍郎二人詣

乾清門奏時遂前導

駕

皇帝禮服乘輿出宮內大臣侍衛前引後扈如常儀至
中和殿北階降輿詣

殿內案前北向

閱奏書畢轉立東次西向大學士一人進納書函內恭
奉由

殿中門出禮部尚書侍郎導引前行

皇帝乘輿從至

永康門外奉奏書大學士由中門入至

慈寧門東階下導者止奉奏書大學士進陟中階近案

前折旋就左門之東負序西面立

皇帝降輿入左門禮部尚書侍郎恭導

以下行禮皆恭導

陞

慈寧門東階循南牖西向立後扈內大臣從升

凡行禮進退皆

後立於後前引十大臣領侍衛內大臣豹尾班侍

衛至東階下止立如三大節儀大學士一人由西
階升就立西檐下宣讀官一人從升少後立均西
面鴻臚寺鳴贊一人立於東楹西面一人立於西
楹東面禮部尚書轉傳內監奏請

皇太后御慈寧宮

皇太后禮服出宮中和韶樂作

樂章與三大節同

陞座樂止

皇帝詣拜位北向立奉奏書大學士暨西檐大學士咸

進至案前左右立鳴贊贊跪

皇帝跪大學士跪進奏書於右興退

皇帝受奏書恭獻大學士跪接於左興陳案上退鳴贊

贊宣奏書宣讀官進至案前北面跪啟函恭奉奏

書宣讀訖仍納於函興退皆復位奏拜興丹陛大

樂作

樂章與三大節同

皇帝行三跪九拜禮興樂止復位禮部尚書轉傳內監

奏禮成

皇太后降座中和韶樂作

樂章與三大節同

還宮樂止

皇帝降階導從如來儀出

永康左門乘輿還宮內監舉奏書案入大學士以下

皆退

右進奏書

至日五鼓所司陳

皇帝法駕鹵簿樂懸於

太和殿外陳

皇太后儀駕樂懸於

慈寧宮均如儀設案於

太和殿內又設案於

慈寧宮門外及階下均正中南向又設案於階上左門
之東西向序定班位

慈寧門外案南正中為

皇帝進冊寶位北向奉冊寶大學士二人位左案之東

西面接冊寶大學士二人位西檐下東面宣讀官
二人位西檐大學士之後鴻臚寺鳴贊二人分立
於前檐東西面前引後扈內大臣侍衛王公文武
百官記注糾儀傳贊各官立位拜位均與三大節
同

右陳設序位

雞初鳴王公文武百官朝服畢會所司設龍亭二
於內閣門外禮部侍郎詣閣暨內閣學士奉

金冊

金寶於盞奉宣讀

冊文

寶文於函分置亭內鑾儀校舁行前冊亭後寶亭禮部官屬十人前引導以御仗二華蓋一由中路降升至太和殿階下前引止亭至殿內冊亭左肆寶亭右肆奉冊寶官奉

金冊

金寶陳於案

冊東

寶西鴻臚寺官引王以下入八分公以上由

太和左右門入於丹陛上序立引公侯伯子男文武
二品以上官於右翼門外序立引三品以下官於
午門外序立禮部尚書侍郎二人詣
乾清門奏時遂前導

駕

皇帝禮服乘輿出宮前引後扈如常儀至

太和殿北階降輿中和清樂作

皇帝御殿北向閱

冊寶訖樂止

右臨軒閱冊寶

皇帝既祗閱

冊寶畢奉冊寶官恭奉

冊寶置亭內鑾儀校舁行詣

慈寧宮

皇帝乘輿從王公暨文武二品以上官各於所立位跪
候龍亭

御駕過輿以次從至

永康門外龍亭由中門入至

慈寧門東階下亭止

皇帝降輿禮部尚書侍郎恭導

以下行禮
皆恭導

入左門禮部

侍郎內閣學士奉

金冊

金寶陳於階下案大學士二人奉宣讀

冊文

寶文由中階升陳於左案遂就位立

皇帝陞自東階循南牖西向立大學士二人由西階升
就立西檐下宣讀官二人從升立少後鳴贊立東
西楹鴻臚寺官引王公百官咸依班位序立與三
大節同禮部尚書轉傳內監奏請

皇太后御慈寧宮

皇太后禮服出宮中和韶樂作

樂章與三大節同

陞座樂止禮部侍郎內閣學士就階下案奉

金冊

金寶升中階陳於中案退

皇帝就拜位北向立鴻臚寺官引王公以下文武百官

咸北面就位立大學士就案奉宣讀

冊文

寶文暨西檐大學士咸進至中案前左右立鳴贊奏跪
皇帝跪羣臣皆跪奏進

冊大學士跪進

冊於右興退

皇帝受

冊恭獻大學士跪接於左興陳於中案退奏進

寶如進

冊之儀贊宣

冊宣冊官進至案前北面跪啟函恭奉

冊文宣讀訖仍納於函興退贊宣

寶如宣

冊之儀畢皆復位內監四人昇

冊寶案二人前導由中門入陳於

慈寧宮檻外正中南向退奏拜興丹陛大樂作

樂章與三大節

同

皇帝率王公羣臣行三跪九拜禮

午門外序立百官承傳隨班行禮畢樂止

皇帝復東次立王公以下各退就班位立禮部尚書轉
傳內監奏禮成

皇太后降座中和韶樂作

樂章與三大節同

還宮樂止

皇帝降階出

永康左門乘輿還宮翊衛如來儀羣臣各退

右進冊寶

皇帝既率羣臣上

冊寶禮畢內監移設丹陛樂於

慈寧門東西檐下設

皇后

皇貴妃

貴妃

妃

嬪拜位於

慈寧宮月臺上設公主福晉命婦拜位於丹陛上北向

內監轉奏

皇后

皇后率六宮公主福晉命婦詣

慈寧宮行禮如三大節之儀

右中宮率六宮公主福晉命婦朝賀

翼日所司入

太和殿鋪陳鑾儀衛官陳

法駕鹵簿仗馬步輦五輅馴象鼓吹常朝象樂部和聲
署陳樂懸均於常次

皇帝御殿受賀百官行禮均如三大節之儀

頒詔布告天下

詳見
頒詔儀

右臨軒受賀

欽定大清通禮卷二十